

308 Dô truoc der junge Parzival

âne vlügel engels mâl
sus geblüet ûf der erden.
Artus mit den werden
5 enpfien in minneclîche.
guotes willen wâren rîche
alle, die in gesâhen dâ.
ir herzen volge sprâchen jâ,
gein sîme lobe sprach niemen nein,
10 sô rehte minneclîch er schein.
Artus sprach zem Waleise sân:
»ir habt mir lieb und leit getân,
doch habt ir mir der êre
brâht unt gesendet mêre,
15 denne ich ir ie von manne enpfien.
dâ engein mîn dienst noch kleine gienc,
Het ir prîses nimer getân,
wan daz diu herzogîn sol hân,
vrou Jeschute, die hulde.
20 ouch wære iu Keien schulde
gewandelt unt gerochen,
het ich iuch ê gesprochen.«
Artus sagete im, wes er bat,
warumbe er an die selben stat
25 unt ouch mêr landes was geriten.
si begunden in dô alle biten,
daz er gelobte sunder
den von der tavelrunder
sîne rîterlîch gesellecheit.
30 im was ir bete niht ze leit.

âne vlüge e. (flügengels mal I) mâl *G (nur GI) *T (ohne V)

e. in rîterlîche. *G *T (ohne V)

in sâhen dâ. *G (nur GI)

A. sp. ze im (z^v im sprach O) sân: *G (*T) (ohne V)

mîn d. dâ gein (engein I [L]) n. (om. L) kl. g., *G

brîses niht (niht prises L V) mê g., *G (*T)

g. ungerochen ([vnd]: vn gerochen I [*]: vngerochen V), *G (ohne Z) (V)

ouch om. *T (ohne V)

daz er gelobete besunder *T

*D: D *m: m *G: G I O L Z *T: T U V

1 Initiale D m L · Majuskel T 4 Majuskel T 11 Initiale O Z T U V 17 Initiale I · Majuskel D 20 Majuskel T 26 Majuskel T 27 Initiale G 30 Majuskel T

3 geblüet] glîft D 16 engein] gegen *m (U) 17 nimer] niemêre *m 21 gewandelt ungerochen, *m